



COMUNE di ORISTANO
COMUNI de ARISTANIS

**REGULAMENTU PO SA CUNCESSIONI DE CONTRIBUTUS ORDINÀRIUS PO IS
SOTZIEDADIS SPORTIVAS.**

Allegau a sa delibera de C.C. n. 87 de su 29.07.2016.

Art. 1: PRINCÌPIUS

Su Comuni de Aristanis bolit valorizai sa socializatzioni cun su sport e agiudai sa crèscida de is logus de agregatzioni innui praticai sport finas comenti a aina contras a is fenòmenus de disàgiu e comenti a aina de integrazzioni sotziali e de luta a s'emarginatzioni.

Su Comuni de Aristanis favoressit is iniziativas deretas a fai cresci sa spaniadura de sa pràtica motòria e sportiva in mesu a is tzitadinus, e prus de totu, nci donat meda a is generatzionis nobas in cantu creit su sport parti chi cumpretat su Sistema educativu e formativu de is piciocheddus.

Su Comuni de Aristanis, bolit agiudai totu cussas pràticas chi serbint a fai cresci e spaniai sa pràtica de su sport diletantisticu e finas sa formatzioni educativa e sportiva, arrispetendi totu is oportunitadis agualis.

Su cuncetu de sport chi pertocat custu documentu est su chi narat sa Carta Europea de su sport (Consillu de Europa, Rodi 1992) est a nai: Sport: "cali si siat forma de atividadi fisica chi, cun una partecipazioni cuncordada e sena de cuncordai, tèngiat a punna s'espressioni o su mellioramentu de sa cundizioni fisica e psìchica, su svilupu de is relatzionis sotzialis o s'otementu de arresurtaus in cumpetizioni de totu is livellus".

Custu documentu bolit marcai is linias ghia chi s'amministratzioni comunali depit impreai po sa cuncessioni de contributus po favoressi su sport ponendi a craru is critèrius chi spartzint is arresursas a disponimentu.

Art. 2: TIPOLOGIAS DE CONTRIBUTUS

Is contributus chi su Comuni de Aristanis podit a manera potenziali fruniri funt is chi sighint:

- a) contributus promotzionalis ordinàrius po sa gestioni de is atividadis sportivas: si chistionat de agiudus chi si donant a is sotziedadis sportivas po sa gestioni ordinària de is atividadis suas po ammantai in parti is spesas tentas po s'atividadi stasonali;
- b) contributus promotzionalis a progetus sportivus de importu prus mannu; si chistionat de agiudu econòmicu chi si donat a entis, sotziedadis sportivas, federatzionis sportivas, assòtzius, po fai is atividadis, atòbius, atobiadas, manifestatzionis de importu regionali, natzionali, internatzionali chi fait arriferimentu a bandu apostas;
- c) contributus promotzionalis a is iniziativas e manifestatzionis sportivas: si chistionat de contributus po favoressi iniziativas e manifestatzionis localis chi tenit importu po sa comunidadi tzitadina chi fait arriferimentu a bandu apostas.

Art. 3: CRITÈRIUS DE ASSINNAMENTU

S'assinnamentu de is contributus po s'atividadis ordinària de is sotziedadis sportivas s'at a fai assinnendi is puntègius chi funt in s'art. 6:

1. Agiudu e investimentu cunforma a is atividadis giovanilis testionias cun su n^u de impitus iscritus nàscius aintru de s'annu pediu in su mòdulu de dimanda.
2. Dotazioni de unu defibrilladori in mesu a is ainas de sa sotziedadi.
3. Arresurtaus sportivus:
 - a) Passàgiu a unu campionau de categoria prus artu o bìncida de campionau provintziali, regionali, natzionali o internatzionali;
 - b) Partecipazioni de scudras e/o atletas a solus a is fasis finalis de campionaus giovanilis de caràteri regionali e/o natzionali;
 - c) Partecipazioni de scudras e/o atletas a solus a is fasis finalis de is campionaus non giovanilis de caràteri regionali e/o natzionali;
4. Inserimentu de disàbilis, integrazzioni de pipius e piciocheddus immigraus e s'agiudu po is bècius;
5. Atacamentu in su territòriu chi ddu atestat s'iscritzioni de sa sotziedadi in s'albu comunali de is sotziedadis sportivas assumancu 5 annus totu de s'ghida;
6. Arrispetu e pigai perti a su CÒDIXI EUROPEU DE ÈTICA SPORTIVA

Art. 4 : BENEFICIÀRIUS DE IS CONTRIBUTUS

Podint beneficiai de is contributus in agiudu de s'atividadis ordinària is Sotziedadis sportivas localis a caràteri diletantisticu iscritas in s'albu comunali chi intregant dimanda a su Comuni cun is modus e me in is tèrminis postus in contu e chi funt in arrègula cun custus arrechisius:

- a) siant afiliadas a is federatzionis sportivas natzionali e/o a is entis de promotzioni sportiva chi su CONI arreconnoscit;
- b) siant iscritas a su Registru Natzionali de is Assòtzius e Sotziedadis Sportivas diletantisticas (s'aina chi su Consillu Natzionali de su CONI at istituui po cunfirmari in totu "s'arreconnoscimentu po punnas sportivas" a is assòtzius/sotziedadis sportivas diletantisticas, giai afiliadas a is Federatzionis Sportivas Natzionali, a is Disciplinas Sportivas Assotziadas e a is Entis de promotzioni Sportiva);
- c) fatzant atividadi agonistica diletantistica regulari o finas a livellu amatoriali in s'annu pighendi parti a campionaus o garas ufizialis chi concordant is federatzionis e/o entis de promotzioni sportiva, o fatzant atividadi de favoressimentu de su sport po pipius e piciocheddus;
- d) teni allenadoris e istrudoris cun curriculu adeguau a is punnas de sa sotziedadi chi ddu testimòngiat atestaus, comenti a su diploma ISEF, làurea in Scièntzias Motòrias, cursu de formatzioni chi is federatzionis arreconnoscint;
- e) tèngiant sea legali e/o operativa in su territòriu de su Comuni de Aristanis;
- f) siant in arrègula cun is pagamentus de is summas chi si depint po usai is impiantus sportivus comunali, e, comenti si siat, chi apant arrispetau su cuntratu cun s'Amministratzioni Comunali etotu;

g) apant in dotatzioni personali chi tenit s'abilitazioni de primu sucursu. Custu arrechisiu s'at a pediri movendi de su segundu annu de apricazioni de custu regulamentu.

Art. 5 : MANERAS OPERATIVAS

Is dimandas de contributu, de sterri cunforma a su schema aprontau, ddas depint intregai su Presidenti/ rapresentanti legali de sa Sotziedadi aintru de su tèrmini de su 15 de su mesi de ladàmini de ònnia annu po s'atividadis fata in sa stasoni sportiva de arriferimentu. Sa dimanda tocat de dda acumpangiai de:

1. relatzioni illustrativa chi pertocat s'atividadis chi at fatu sa sotziedadi;
2. bilànciu preventivu de sa stasoni chi est fadendi-sì e bilànciu consuntivu de s'annualidadis passada.
3. elencu atletas tesseraus, cun firma de sa federatzioni sportiva o enti de promotzioni.

Su contributu s'at a assinnai cun detèrmina de su responsàbili de su Servìtziu aintru de su 30 de su mesi de idas de ònnia annu e infatu licuidau a cundizioni chi sa sotziedadi siat in arrègula cun su pagamentu de is summas chi simmai si depint po ai usau is impiantus sportivus comunalis, chi in ònnia modu s'at a depi sanai aintru de 30 diis de s'òutu de cuncessioni.

Su Responsàbili de su Sevìtziu de cumpetèntzia s'incurat de apurai is spesas chi ant fatu is assòtzius beneficiàrius de is contributus.

Art. 6 : PUNTÈGIUS E MANERAS DE CÀRCULU DE IS CONTRIBUTES ORDINÀRIUS

A ònnia critèriu ammostau in s'art. 3 s'assinnant is pesos in custu modu:

CRITÈRIU	PESU
1. Agiudu e investimentu cunforma a is atividadis giovanilis:	
a. de un'edadi minima chi torrat paris a cussas chi ònnia federatzioni arreconoscit comenti a agonistica finas a 12 annus.....	20;
b. de 12 annus e finas a s'ùrtimu annu de su setori giovanili.....	40;
a.	
2. Dotatzioni de unu defibrilladori e de duus operadoris abilitataus a ddus usai finas a s'intrada in vigori de su D.M. de su 13.09.2012 n.158, chi sa L. de su 8.11.2012 n. 189*at cunvertiu	1
3. Arresurtaus sportivus:	
a.	4
b.	6
c.	18
4. Adesioni a progetus sotzialis, educativu-formativus, po inseriri disàbilis, integrai pipius e piciocheddus immigraus e agiudai a is bècius	5
5. Atacamentu a su territòriu	5
6. Arrispetu e pigai parti a su CÒDIXI EUROPEU DE ÈTICA SPORTIVA.....	1
IN TOTU.....	100

*In fatu su pesu s'at a donai in su critèriu 6.

Càrculu de is contributus ordinàrius:

a) Critèriu1 $P = 20/S$ $P_a = S_a \times P$

P= pesu a cada unu iscritu

S= totu su nùmeru de is piciocheddus chi tenint prus pagu de 12 annus iscritus a totu is sotziedadis

P_a =puntègiu a cada una sotziedadi e chi pertocat a sa categoria

S_a =nùmeru de is piciocheddus iscritus a sa categoria a cada una sotziedadi

b) Critèriu 1..... $P = 40/S$ $P_b = S_b \times P$

P= pesu a cada unu iscritu

S= totu su nùmeru de is piciocheddus chi tenint prus de 12 annus iscritus a totu is sotziedadis

P_b = puntègiu a cada una sotziedadi e chi pertocat a sa categoria

S_b = nùmeru de is piciochus iscritus a sa categoria a cada una sotziedadi

Àterus critèrius:

Is puntègius de is critèrius de su 2 a su 6 s'ant a spartziri in modu agualis intra de is sotziedadi amìtias e duncas chi tenint is rechisius etotu.

Càrculu $c = C / 100$ $V = c * \sum P$

c = contributu po unidadi de puntègiu

C = arresuras a disponimentu

$\sum P$ = sommatòria puntègiu sotziedadis a solas o assòtziu V = balori contributu sotziedadis a solas.

Art. 7 : APRICATZIONI GRADUALI - TEMPUS TRANSITÒRIO -.

Po non nci passai totu in una borta a maneras differentis donendi is contributus ordinàrius s'est postu in contu, me in is primus tres annus, unu tempus transitòriu innui s'at a apricai custa norma:

a) 1^u annu:

- 30% de is arresuras a disponimentu spartzidas in partis agualis intra de is sotziedadis chi s'amtint a su contributu;
- 70% de is arresuras a disponimentu spartzidas segundu a sa manera chi est in s'art. 6 de custu regulamentu;

b) 2^u annu:

- 20% de is arresuras a disponimentu spartzidas in partis agualis intra de is sotziedadis chi s'amtint a su contributu;
- 80% de is arresuras a disponimentu spartzidas segundu a sa manera chi est in s'art. 6 de custu regulamentu;

c) su de 3 annus:

- 10% de is arresuras a disponimentu spartzidas in partis agualis intra de is sotziedadis chi s'amtint a su contributu;
 - - 90% de is arresuras a disponimentu spartzidas segundu a sa manera chi est in s'art. 6 de custu regulamentu;
- d) Su de 4 annus e sghendi apricatzioni intrea de is maneras ammostadas in s'art. 6.

Me in si primus tres annus, est a nai in su tempus transitòriu, si deciddit ca arrechisiu de fundamentu po beneficiari de su contributu ordinàriu est su de ai intregau in s'arcu de is ùrtimus tres annus assumancu una rechesta de contributu.